

KONKURS ZA PRIJEM STUDENATA

Sarajevska otvorena akademija

Proširimo svoja znanja!
Unaprijedimo
kompetencije!
Napravimo razliku za
zajednički boljitak!

Rok za podnošenje prijava

4. maj 2022. godine

Datum početka

11. maj 2022. godine

ONLINE OBRAZAC
za prijavu



O programu

Cilj neformalnog i integriranog studijskog programa **Sarajevska otvorena akademija** je ponuditi raznoliki spektar temeljnih znanja iz različitih oblasti humanističkih i društvenih nauka za studente koji žele proširiti svoje obrazovne vidike.

Studijski program je organizovan modularno u vidu pružanja temeljnih znanja iz oblasti međunarodnih odnosa, ekonomije, pravnih nauka, kulturalnih studija i historije i civilizacije. Moduli su centralna aktivnost programa i sadrže 12 sati predavanja (3 školska časa sedmično). Svi predavači na modulima su renomirani univerzitetski profesori. Program akademije sadrži i predavanja iz specifičnih oblasti, studije slučaja, javne tribine, radionice kao i klub knjige kroz koje će polaznici moći usvojiti dodatna znanja i vještine. Ostale aktivnosti obuhvataju naučne ekskurzije te posjete različitim institucijama kulture u BiH poput muzeja, pozorišta i sl.

Kroz program Sarajevska otvorena akademija studenti će se upoznati sa temeljnim trendovima različitih humanističkih i društvenih disciplina kroz predavanja i panel diskusije sa ciljem kontekstualiziranja stečenih znanja u lokalnoj društvenoj zajednici.

Kalendar aktivnosti

Nastava se izvodi tokom dva semestra. Prvi semestar programa planiran je da se realizira od **11. maja** do **8. jula 2022.** godine. Dvodnevna naučna ekskurzija o srednjovjekovnom i osmanskome naslijeđu BiH planirana je za mjesec august.

Drugi semestar traje od **5. oktobra** do **21. decembra 2022.** godine. U oba semestra organizuju se po dva nastavna modula. Predavanja se održavaju sedmično prva dva mjeseca u I i II semestru, srijedom od **17.30-20.00 sati**. Dodatna predavanja radionice i klub knjige se održavaju dva puta u toku jednog semestra i to **ponedjeljkom 18.00-20.00 sati**.

Javne tribine, panel diskusije, posjete pozorištu, muzejima i lokalni izleti predviđeni su za treći mjesec u oba semestra.

Svi troškovi programa su pokriveni od strane organizatora. Studenti koji budu izabrani nakon konkursne procedure imat će i stipendiju od **200 KM** za svaki semestar.

Program će biti održan na bosanskom jeziku (temeljni studiji) i na engleskom jeziku (studije slučaja/predavanja iz specifičnih oblasti), pa je poznavanje engleskog jezika bitan preduslov. Prisustvo najmanje 90% programa je obavezno.

Način prijavljivanja

Pravo prijavljivanja imaju studenti koji su u oktobru 2021. godine upisali I ciklus studija (BA), apsolvanti ili studenti II ciklusa studija (MA), starosti do 27 godina svih univerziteta u Sarajevu.

Broj polaznika je ograničen na maksimalno dvadeset i pet (25). Selekcija kandidata će biti izvršena na osnovu prijave te, po potrebi, intervju sa kandidatima koji prođu prvi krug selekcije.

Kandidati koji budu odabrani dužni su da dostave **Potvrdu o studiju i Uvjerjenje o prosjeku ocjena** ili fotokopiju stranica indeksa koje sadrže ocjene na predmetima i ovjereni poslednji semestar, pisma preporuke i druge dokumente koji dokazuju informacije date putem prijavnog obrasca.

ONLINE PRIJAVNI OBRAZAC

Popuniti najkasnije do srijede, **4. maja 2022. godine.**



Dodatne informacije

E-MAIL: programs@cns.ba

TEL: +387 33 716 042.

